

ქავკასიაში რუსეთის  
სამხედრო ინფრასტრუქტურის  
ბეომონიტორიკური კონფექსი



ბომბი ანთაქე



**კავკასიაში რუსეთის სამხედრო ინტერვენციების  
გეოპოლიტიკური კონტექსტი**

**ავტორი: ბიორგი ანთაძე**

თბილისი

2024

## პუბლიკაციის შესახებ

წინამდებარე პუბლიკაცია შეიქმნა აშშ-ის სახელმწიფო დეპარტამენტის მხარდაჭერით. დოკუმენტში გამოთქმული შეხედულებები და მოსაზრებები ეკუთვნის ავტორს და არ ასახავს ან წარმოადგენს სტრატეგიისა და განვითარების ცენტრის (CSD) ან შერთებული შტატების სახელმწიფო დეპარტამენტის შეხედულებებსა და მოსაზრებებს.

## შინაარსი

შესავალი .....	1
ევრაზიონიშმის როლი და გავლენა რუსეთის საგარეო პოლიტიკაზე და უკრაინაში. ....	2
რუსეთის ინტერვენციები კავკასიაში და მისი გეოპოლიტიკური კონტექსტი ..	7
რემონანსი უკრაინის ომთან. ....	14
დასკვნა. ....	18
ბიბლიოგრაფია .....	19

სტატიაში განხილულია რუსეთის მიერ განხორციელებული სამხედრო ინტერვენციები კავკასიაში, კერძოდ, კონფლიქტები ჩეჩნეთსა და საქართველოში. გაანალიზებულია მათი კავშირი თანამედროვე გეოპოლიტიკურ კონტექსტთან. ასევე რუსეთის სამხედრო ინტერვენციები და მისი გეოპოლიტიკური ხედვა მოცემულია ევრაზიონიშის კონცეფციის ფარგლებში და განხილულია კონცეფციის გავლენა რუსეთის და მისი დიდების გეოსტრატეგიულ ამბოვნებაზე. მსჯელობიდან ჩანს, რომ რუსეთის მიერ განხორციელებული ინტერვენციები კავკასიაში არის უფრო ფართო სტრატეგიის ნაწილი, რომელიც მიზნად ისახავს გავლენის შენარჩუნებას „ახლო საზღვარგარეთში“ და დასავლეთის გაფართოების შეჩერებას, რაც მნიშვნელოვან გავლენას ახდენს საერთაშორისო უსაფრთხოებასა და რეგიონულ სტაბილურობაზე.

რუსეთის მიერ განხორციელებულმა სამხედრო ინტერვენციებმა კავკასიის რეგიონში, განსაკუთრებით კონფლიქტებმა ჩეჩნეთსა და საქართველოში, მნიშვნელოვანი როლი ითამაშა პოსტსაბჭოთა ეპოქის გეოპოლიტიკური დანდშაფტის ფორმირებაში.

კავკასია, მრავალფეროვანი რეგიონი ევროპასა და აზიას შორის, დიდი ხანია რუსეთის სტრატეგიული ინტერესის ფოკუსში იმყოფება. გეოგრაფიული მდებარეობა, ეთნიკური შემადგენლობა და ისტორიული კავშირები რუსეთთან მას გადამწყვეტ არეადად აქცევს რუსეთის საგარეო პოლიტიკისა და სამხედრო სტრატეგიის დინამიკის გასაგებად. 2022 წელს უკრაინაში შეჭრამდე, კონფლიქტები ჩეჩნეთში (1994-1996 და 1999-2009 წლებში) და 2008 წლის რუსეთ-საქართველოს ომი წარმოადგენდნენ მთავარ მაგარიტებს რუსეთის მიდგომების შესასწავლად თავის „ახლო საზღვარგარეთში“ - ყოფილ საბჭოთა რესპუბლიკებში, რომლებსაც მოსკოვი თავისი გავლენის სფეროდ მიიჩნევს. სწორედ აღნიშნული კონფლიქტებიდან დასავლეთის მხრიდან არასათანადო გაკვეთილების გამოტანა გახდა რუსეთის უკრაინაში შეჭრის ერთ-ერთი მიზეზი.

კავკასიაში თანამედროვე რუსეთის მოქმედებების გასაგებად დაგვეხმარება რუსული ევრაზიონიშის კონცეფცია. ეს იდეოლოგიური ჩარჩო, რომელმაც მნიშვნელობა შეიძინა რუსულ გეოპოლიტიკურ ამბოვნებაში საბჭოთა კავშირის დაშლის შემდეგ, წარმოაჩენს რუსეთს როგორც უნიკალურ ცივილიზაციას ევროპასა და აზიას შორის. ევრაზიონიშში გავლენას ახდენს რუსეთის აღქმაზე მსოფლიოში მისი როლის შესახებ და მის მიდგომაზე რეგიონული უსაფრთხოებისადმი, განსაკუთრებით ისეთ არეადაში, როგორცაა კავკასია, რომელიც სხვადასხვა კულტურული და პოლიტიკური სისტემების გადაკვეთაზე მდებარეობს.

# ევრაზიონიზმის როლი და გავლენა რუსეთის საგარეო პოლიტიკაზე და უკრაინაში

როგორც აღვნიშნეთ, დასაწყისისთვის მნიშვნელოვანია გავიაზროთ რუსული ევრაზიონიზმის იდეა და მისი კავშირი თანამედროვე რუსულ საგარეო პოლიტიკასთან, ვინაიდან ეს მსოფლმხედველობა აშკარა გავლენას ახდენს რუსეთში მისი გეოპოლიტიკური სივრცის შესახებ გაბატონებულ ხედვებსა და საგარეო პოლიტიკურ ნაბიჯებზე.

რუსული ევრაზიონიზმი, როგორც პეტრ სავიცკიმ და ნიკოლაი ტრუბეცკოიმ 1920-იან და 1930-იან წლებში შექმნეს და შემდგომ სხვებმაც განავითარეს (ანთაძე, 2012), არის გეოპოლიტიკური და კულტურული ფილოსოფია, რომელიც რუსეთს განიხილავს როგორც უნიკალურ ცივილიზაციას, რომელიც განსხვავდება ევროპისა და ამიისგან.

სავიცკი და ტრუბეცკოი რუსეთ-ევრაზიას განიხილავდნენ როგორც ცადკეულ გეოგრაფიულ ერთეულს, რომელიც გადაჭიმულია აღმოსავლეთ ევროპიდან წყნარ ოკეანემდე თავისი უნიკალური მახასიათებლებით.

- **კულტურული სინთეზი** - ისინი ამტკიცებდნენ, რომ რუსული კულტურა არის სდაგური, თურქული და მონღოლური გავლენის ნაზავი, რომელიც ქმნის მკაფიო ევრაზიულ ცივილიზაციას.
- **ევროცენტრიზმის უარყოფა** - ორივე მოაზროვნე აკრიტიკებდა იდეას, რომ ევროპული ცივილიზაცია უმაღლესი იყო და გამოდიოდა რუსეთში დასავლური მოდელების უაპედაციო მიღების წინააღმდეგ.
- **ისტორიული ბედი** - მათ სჯეროდათ, რომ რუსეთს ჰქონდა განსაკუთრებული ისტორიული მისია, გაეერთიანებინა ევრაზიის ხაღხები ერთ პოლიტიკურ და კულტურულ ერთეულში.
- **ნაციონალიზმის კრიტიკა** - ევრაზიულ ერთიანობაზე ხაზგასმით მათ უარყვეს ვიწრო ეთნიკური ნაციონალიზმი უფრო ფართო, გენაციონალური იდენტობის სასარგებლოდ.

- **ეკონომიკური აუტარკია** - სავიციო, განსაკუთრებით, ევრაზიის სივრცეში, ეკონომიკური თვითკმარობის მომხრე იყო.
- **სუდიერი და კულტურული უნიკადურობა** - ისინი ხაზს უსვამდნენ ევრაზიული ცივილიზაციის სუდიერი და კულტურული ასპექტებს, ხშირად უპირისპირებდნენ მას მატერიალისტურ დასავლეთს.
- **იდეოლოგია** - ტრუბეცკომი შემოგვთავაზა „იდეოლოგიური“ სახელმწიფოს კონცეფცია, რომელიც ხელმძღვანელობს გამაერთიანებელი იდეით და არა დემოკრატიული ან ავტოკრატიული პრინციპებით. ეს იდეა ხშირად გამოიყენება ევრაზიონიზმის თანამედროვე აპოლოგეტის, ადექსანდ ღუგინის მიერ.
- **ანტიკოლონიალიზმი** - ისინი აკრიტიკებდნენ ევროპულ კოლონიალიზმს და ევრაზიულობას არადასავლური კულტურების დამოუკიდებლობის დამტკიცების გზად თვლიდნენ.
- **გეოპოლიტიკური ბაღანსი** - ისინი ევრაზიას განიხილავდნენ როგორც „ჰართდენდს“, რომელიც შეიძლება ემსახუროდეს სამღვაო ძალების საპირწონეს - იდეა, რომელიც გავდენას ახდენს ჰადფორდ მაკინდერის გეოპოლიტიკურ თეორიებზე.

ამ ფილოსოფიამ მნიშვნელოვანი გავდენა მოახდინა რუსულ გეოპოლიტიკურ აზროვნებაზე სხვადასხვა თანამედროვე ინტერპრეტაციით და ადაპტაციით, რომლებიც აგრძელებენ დისკუსიების ფორმირებას რუსეთის ადგილის შესახებ მსოფლიოში და ზემოთ მოყვანილი პოსტულატები მრავლად გვხვდება რუსეთის პირველი პირებისა თუ პრეზიდენტის რიტორიკაში.

თუ ჩავუღრმავდებით, დავინახავთ, რომ ძროთა განმავლობაში ადაპტირებული და გამოყენებული იქნა სავიცკის და ტრუბეცკოის იდეები. ასე მაგალითად, უახლოეს დროში:

## 1. ნეოევრაზიულობა

- ადექსანდრე დუგინი, სადავო შეხედულებების მქონე რუსი პოლიტიკური თეორეტიკოსი, 1990-იანი წლებიდან ყველაზე გამორჩეული ფიგურაა ევრაზიური იდეების ალორძინებისა და ხელახალი ინტერპრეტაციის საქმეში.

- დუგინის ევრაზიულობის ვერსია უფრო აშკარად ანტიდასავლურია და მხარს უჭერს მრავალპოლარული მსოფლიო წესრიგს, რათა დაუპირისპირდეს იმას, რასაც ის აშშ-ის ჰეგემონიად თვლის.

## 2. საგარეო პოლიტიკაზე გავლენა

- ევრაზიულმა იდეებმა გავლენა მოახდინა რუსეთის საგარეო პოლიტიკაზე, განსაკუთრებით ვლადიმერ პუტინის ხელმძღვანელობით.

- „რუსული სამყაროს“ კონცეფცია (*Русский Мир*) და ყოფილ საბჭოთა ქვეყნებში გავლენის შენარჩუნების მცდელობები შეიძლება ჩაითვალოს ევრაზიური ამროვნების ნაწილობრივ გამოვლინებად.

## 3. ევრაზიის ეკონომიკური კავშირი

- 2015 წელს ევრაზიური ეკონომიკური კავშირის ჩამოყალიბება, რომელშიც შედიან: რუსეთი, ბეარუსი, ყაზახეთი, სომხეთი და ყირგიზეთი, - ასახავს გარკვეულ ევრაზიურ მისწრაფებებს პოსტსაბჭოთა სივრცეში ეკონომიკური ინტეგრაციისკენ.

## 4. კულტურული და იდენტობის პოლიტიკა

- ევრაზიულობა გამოიყენებოდა მკაფიო რუსული იდენტობის გასაძლიერებლად, რომელიც არც ევროპული და არც ამიური, რაც გავლენას ახდენს ეროვნულ იდენტობასა და კულტურული პოლიტიკის დებატებზე.

## 5. აკადემიური დისკურსი

- ევრაზიური იდეების განხილვა გრძელდება აკადემიურ წრეებში. ზოგიერთი მკვლევარი კრიტიკულად განიხილავს მის ისტორიულ ფესვებსა და თანამედროვეობას.

## 6. გეოპოლიტიკური სტრატეგია

- ევროპასა და აზიას შორის რუსეთის უნიკალურ გეოპოლიტიკურ პოზიციაზე ხაზგასმა კვდავ მოქმედებს სტრატეგიულ ამროვნებაზე და რუსეთის გლობალური როლის გამართლებაზე.

## 7. ვესტერნიზაციის კრიტიკა

- „ვერაზიულობის“ არგუმენტები ხშირად გამოიყენება დასავლური სტილის დიბერალიზმისა და დემოკრატიის კრიტიკის დროს, რომელიც მკაფიოდ ამტკიცებს რუსეთის განვითარების გზას.

## 8. გავდენა რუსეთის მიღმა

- ვერაზიულმა იდეებმა გარკვეული რეზონანსი ჰპოვა სხვა პოსტსაბჭოთა ქვეყნებში და ევროპის ზოგიერთ უღრამემარჯვენე წრეებშიც კი.

## 9. ტექნოლოგიური სუვერენიტეტი

- თანამედროვე ინტერპრეტაციები ხშირად მოიცავს მოწოდებებს ტექნოლოგიური და ციფრული სუვერენიტეტისაკენ, რომელიც შეესაბამება დასავლური სისტემების ავტონომიის უფრო ფართო ვერაზიულ იდეებს.

მნიშვნელოვანია აღინიშნოს, რომ ვერაზიულობის თანამედროვე ინტერპრეტაციები მრავალფეროვანია და ხშირად საკამათო. კრიტიკოსები ამტკიცებენ, რომ ზოგიერთი ვერსია, განსაკუთრებით ისეთი, როგორიც დაკავშირებულია დუგინის მსგავს მოღვაწეებთან, გამოიყენებოდა ავტორიტარიზმისა და ექსპანსიონისტური პოლიტიკის გასამართლებაზე. ვერაზიული იდეების გავდენა თანამედროვე რუსულ პოლიტიკასა და საზოგადოებაში რჩება მეცნიერთა და პოლიტიკოსთა შორის მიმდინარე დებატების საგანი.

ასევე არსებობს ინტელექტუალური შეუსაბამობები - კრიტიკოსები ამტკიცებენ, რომ ვერაზიონიზმი ხშირად ეყრდნობა შერჩევით ისტორიულ ინტერპრეტაციებს და შეიცავს შინაგან წინააღმდეგობებს.

ზოგიერთი მეცნიერი მიიჩნევს, რომ რუსეთის ხედმძღვანელობა შერჩევით იყენებს ვერაზიონისტურ იდეებს, როგორც დეგიტინაციის ინსტრუმენტს და არა როგორც თანმიმდევრულ სახედმძღვანელო ფილოსოფიას.





თუმცა, მიუხედავად შინაგანი წინააღმდეგობებისა, როგორც უკვე აღვნიშნეთ, ევრაზიონისტური იდეოლოგიის გავრენა სუდ უფრო თვადსაჩინოა რუსი ღიღერების რიტორიკაში, განსაკუთრებით პრემიერენტ ვლადიმერ პუტინის გამოსვლებსა თუ ჩანაწერებში.

ცნობილია, რომ თავის მრავალ გამოსვლასა და ჩანაწერში პუტინმა ჩამოაყალიბა რუსეთის ხედვა, რომელიც მჭიდროდ შეესაბამება ევრაზიონისტურ პრინციპებს. მაგალითად: 2013 წელს „ვადდაის კლუბში“ გამოსვლისას მიმართვაში მან ხაზი გაუსვა რუსეთის უნიკალურ ცივილიზაციურ იდენტობას, განაცხადა რა, რომ რუსეთი არა მხოლოდ ქვეყანაა, არამედ „სახელმწიფო-ცივილიზაცია“ განსაკუთრებული მისიით, დაიცვას და ხელი შეუწყოს ევრაზიურ ღირებულებებს. პუტინმა განაცხადა, რომ „სახელმწიფო-ცივილიზაცია, გაძლიერებული რუსი ხადხით, რუსური ენით, რუსური კულტურით, რუსური მართლმადიდებლური ეკლესიითა და ქვეყნის სხვა ტრადიციული რელიგიებით. სწორედ სახელმწიფო-ცივილიზაციის მოდელია ჩამოაყალიბა ჩვენი სახელმწიფო წყობა და საგარეო პოლიტიკა“ (List, 2013). მსგავსად ამისა, თავის 2021 წლის სტატიაში „რუსებისა და უკრაინელების ისტორიული ერთიანობის შესახებ“ პუტინმა წარმოაჩინა (Путин, 2021) რუსეთის ურთიერთობა თავის მემობრებთან ისეთი ტერმინებით, რომლებიც ეხმიანება ევრაზიონისტურ კონცეფციებს საერთო კულტურული და ისტორიული სივრცის შესახებ. ეს განცხადებები ასახავს უფრო ფართო ტენდენციას რუსულ პოლიტიკურ დისკურსში, რომელიც ეყრდნობა ევრაზიონისტურ იდეებს რუსეთის გეოპოლიტიკური ამბიციებისა და სამხედრო ინტერვენციების გასამართლებლად, მათ შორის კავკასიაში. ამ იდეოლოგიის მოხმობით რუსი ღიღერები ცდილობენ, დეგიტიზაცია მიანიჭონ თავიანთ ქმედებებს, როგორც უფრო ფართო ისტორიული და კულტურული მისიის ნაწილს და არა უბრალოდ ძალაუფლების პოლიტიკას. ყოველივეს შედეგად, აღნიშნული სააზროვნო მოდულები მუდმივად ახდენდა გავრენას რუსეთის პოლიტიკაზე კავკასიაშიც.

# რუსეთის ინტერვენციები კავკასიაში და მისი გეოპოლიტიკური კონტექსტი

რუსეთის ინტერვენციები კავკასიაში არის არა იზოლირებული შემთხვევები, არამედ ნაწილია უფრო ფართო სტრატეგიისა, რათა მოსკოვმა მოახდინოს თავისი გავლენა, დაიცვას თავისი სასიცოცხლო ინტერესები და გამონწვევა შეუქმნას იმას, რასაც დასავლეთის შეჭრად აღიქვამს თავის ტრადიციული გავლენის სფეროში. ეს დინამიკის ანალიზი მნიშვნელოვანია თანამედროვე გეოპოლიტიკის სირთულეებისა და რუსეთსა და დასავლეთს შორის მიმდინარე დაძაბულობის გასაგებად.

1990-იან წლებში რუსეთის დასუსტების შედეგად, კავკასიაში და განსაკუთრებით ჩეჩნეთში დაწყებული სეპარატისტული მოვლენები, განსაკუთრებულად საფრთხის შემცველი გახდა რუსეთის ფედერაციისათვის. ჩრდილოეთ კავკასიაზე კონტროლის დაკარგვა მთლიანად ფართო რეგიონზე კონტროლის დაკარგვას უდრიდა არსებული გეოგრაფიული მახასიათებლებიდან გამომდინარე, რაც ასევე შეიძლებოდა მთლიანად რუსეთის დემინტეგრაციის პროცესების დასაწყისი გამხდარიყო. შესაბამისად, სამხედრო ინტერვენცია ჩეჩნეთში, ორი ომი, რომელიც ამ მოვლენებს მოყვა, გარდაუვად აუცილებლობას წარმოადგენდა მოსკოვისათვის და მისი გეოსტრატეგიული ამროვნებისათვის, რომლის ჩამოყალიბებამაც, როგორც ვთქვით, ევრაზიონიზმის იდეებიც ახდენდა გავლენას.

რუსეთის ხელისუფლებაში ვლადიმერ პუტინის მოსვლის შემდეგ აქტუალური გახდა საბჭოთა კავშირის დასავლეთის მხრე რუსეთის როლის და ადგილის საერთაშორისო წესრიგში გადახედვა და ახალი ადგილის დასამკვიდრებლად კონცეპტუალური ხედვების ჩამოყალიბება. იქნებოდა ეს რუსული ევრაზიონიზმით ნაკარნახები კონცეფციები, თუ რუსული სამყაროს იდეის განვითარება, ერთი რამ იყო უცვლელი - იკითხებოდა აშკარა უკმაყოფილება რუსეთის როდითა და ადგილით ახალ მსოფლიო წესრიგში, რომელიც აშშ-ის დომინირებით ყალიბდებოდა. სწორედ ამის დადასტურება გახდა ვლადიმერ პუტინის მიერ 2005 წელს საბჭოთა კავშირის დაშლის „მეოცე საუკუნის ყველაზე დიდ კატასტროფად“ მონათვლა (NBC Universal, 2005) და მოსკოვის საგარეო პოლიტიკურ ველზე პირველი დიდი გააქტიურების დასაწყისიც. შიდაპოლიტიკური კონსოლიდაციის და ეკონომიკური სტაბილიზაციის მიღწევის მხრე, რუსეთის სტრატეგიულ დოკუმენტებში აშკარად იკვეთება (Hedenskog, 2018, p. 17) უახლოესი სამეზობლო ტერიტორიების მიმართ პრეტენზიები და მანამდე ნატოს გაფართოებით შექმნილი უკმაყოფილების დაფიქსირება. როგორც ვიცით, აღნიშნული საკითხი, მოგვიანებით, 2022 წლის 24 თებერვლამდე ვლადიმერ პუტინის საგარეო პოლიტიკური პრეტენზიების ერთ-ერთი მთავარი დაიტმოტივი გახდა და უკრაინის კონფლიქტის ჭრილში აქტუალურია ახლაც.

თუ ჩვენ 2007-2022 წლებში რუსეთის საგარეო პოლიტიკურ ნაბიჯებს გავაანალიზებთ, ნათელია რომ მოსკოვი იწყებს მისი გეოპოლიტიკური ადგილის გადახედვას.

რუსეთის სამხედრო ინტერვენციები კავკასიაში, განსაკუთრებით ჩეჩნეთსა და საქართველოში, წარმოადგენს ისტორიული მემკვიდრეობის, სტრატეგიული იმპერატივებისა და იდეოლოგიური გავრცელების რთულ ურთიერთქმედებას.

რუსეთის ქმედებები კავკასიაში დღემდე კავშირშია იმპერიული და საბჭოთა ეპოქის პოლიტიკის ისტორიულ მოდელებთან. რეგიონის სტრატეგიული მნიშვნელობა, ღრმად ფესვგადგმული რუსული გეოპოლიტიკური ამროვნების წიაღში, კვდავაც აყალიბებს მოსკოვის მიდგომას. ეს ისტორიული პერსპექტივა გვეხმარება ავხსნათ რუსეთის მუდმივი ძადისხმევა, რომ შეინარჩუნოს გავრცენა ამ ტერიტორიაზე, რომელსაც იგი განიხილავს როგორც გადამწყვეტს თავისი უსაფრთხოებისა და დიდი ძადის სტატუსისთვის.

ამასთან ერთად, სამხრეთ კავკასია კვდავ აღიქმება მოსკოვის მიერ როგორც რუსეთსა და დასავლეთს შორის მეტოქეობის ასპარეზი. სამხრეთ კავკასიის სამ სახელმწიფოს განსხვავებული პოზიცია აქვს რუსეთთან და დასავლეთთან ურთიერთობებში. საქართველოში რუსეთთან დაკავშირებულმა შიშმა და მისგან მომდინარე საფრთხის აღქმამ გააძლიერა ვეროკავშირთან და ნატოსთან უფრო მჭიდრო ურთიერთობის სურვილი. სომხეთმა საპირისპირო პოზიცია დაიკავა - თავისი ეკონომიკა და უსაფრთხოება რუსეთს დაუკავშირა. რუსეთს სამხედრო ბაზა აქვს სომხეთში და რუსეთის სასაზღვრო ჯარები იცავდნენ სომხეთის საზღვარს თურქეთთან, ნატოს წევრ ქვეყანასთან. ამერბაიჯანი შუაშია მოქცეული საკუთარი საგარეო პოლიტიკური დღის წესრიგით და თუქეთთან მჭიდრო კავშირებით. პოზიცია, რომელიც შესაძლებელი გახდა საკუთარი მნიშვნელოვანი ენერჯო რესურსების წყალობით.

კავკასია ასევე გამორჩეულია ეთნიკური ჯგუფების მრავალფეროვნებით. რეგიონში 50-ზე მეტი ეთნიკური ჯგუფი ცხოვრობს, ბევრ მათგანს საკუთარი უნიკალური ენა, კულტურა და ტრადიციები აქვს. ეთნიკური ჯგუფების ეს მოზაიკა, განსაკუთრებით ჩრდილოეთ კავკასიაში, ისტორიულად, არეულობისა და პოლიტიკური მღვედვარების მიზეზი იყო მე-19 საუკუნეში რუსეთის მიერ რეგიონის თურქებისგან დაპყრობით დაწყებული 1990-იანებისა და 2000-იანი წლების დასაწყისის ორ ჩეჩნურ ომამდე. მოსკოვისთვის, პირველ რიგში, მუსლიმი ხადხები ჩრდილოეთ კავკასიის რესპუბლიკებში წარმოადგენენ გამონკვევას რუსული პოლიტიკისთვის, რომელიც სურ უფრო მეტად უსვამს ხაზს მართლმადიდებლურ ქრისტიანობას, მიუხედავად იმისა, რომ რუსეთს ოფიციალურად ოთხი ოფიციალური რელიგია აქვს, რომელთაგან ერთ-ერთი ისლამია.

გარდა ამისა, რუსეთში არსებობს ფართოდ გავრცელებული „დომინოს თეორია“, რომლის თანახმადაც რუსეთის ტერიტორიული მთლიანობა საფრთხის ქვეშაა ჩრდილოეთ ვაგვასიაში. ნებისმიერი სახის სეცესია ჩრდილოეთ ვაგვასიაში გამოიწვევდა მსგავსი რედიკული და ეთნიკური აჯანყებებისა და დემინტეგრაციული მოძრაობების შეწყობას უპირატესად მუსლიმურ ვოლგა-ურალის რეგიონებში, ანუ რუსეთის გულში. ჩრდილოეთ ვაგვასიის ეთნიკური მოზაიკა არის ფაქტორი, რომელიც აკავშირებს ამ რეგიონს სამხრეთ ვაგვასიასთან და ეს ფაქტორი ასევე მრდის რუსეთის ინტერესს სამხრეთ ვაგვასიაზე დომინირების მიმართ. სავარაუდო საომარმა მოქმედებამ შესაძლოა გადაინაცვლოს ჩრდილოეთშიც, რადგან ზოგიერთი ეთნიკური ჯგუფი ვაგვასიონის ქედის ორივე მხარეს ცხოვრობს (დემინგინები, ამერბაიჯანელები და ხუნძები დაღესტანსა და ამერბაიჯანში, ოსები ჩრდილოეთ და ენ. სამხრეთ ოსეთში და სხვები). ამიტომ, რუსეთისთვის არსებობს ძველი გამოწვევა: „ვისაც სურს აკონტროლოს ჩრდილოეთ ვაგვასია, მან ასევე უნდა აკონტროლოს სამხრეთიც“ (Sherr, 2017, p. 52). ომები ჩეჩნეთში, შიდაპოლიტიკური კონტექსტის მიუხედავად, ემსახურებოდა მოსკოვის მკაფიო მიზანს, არ დაეშვა სწორედ ამ დემინტეგრაციული პროცესების ჩეჩნეთიდან გავრცელება ჩრდილოეთ ვაგვასიასა და ვოლგისპირეთზე.

ამასთან ერთად, რეგიონის სიახლოვე ახლო აღმოსავლეთთან რუსეთისათვის კიდევ უფრო მნიშვნელოვან როლს ანიჭებს ვაგვასიას, სადაც ასევე მნიშვნელოვანი დინამიკა არის ისლამისტური ექსტრემიზმი. რუსეთი ჩრდილოეთში ისლამისტურ ექსტრემიზმს ებრძვის ვაგვასიაში საბჭოთა კავშირის დაშლის შემდეგ. აღნიშნული პრობლემატიკა პერიოდულად განსაკუთრებულად თავს იჩენს ხოლმე ჩრდილოეთ ვაგვასიაში.

თუმცა რუსეთი ისტორიულად მუდმივად ახერხებდა საკთარ შეცდომებზე მეტ-ნაკლებად სწავლას. ისევე, როგორც წარსულ კონფლიქტებში, ომი ჩეჩნეთში იყო ასიმეტრიული კონფლიქტი, „თუმცა რუსები საბოლოოდ სწავლობდნენ მძიმე საბრძოლო გაკვეთილს (Galeotti, 2024, p. 22), რომ ჩეჩნებთან ბრძოლის საუკეთესო საშუალება სხვა ჩეჩენი არის“. სწორედ ამის შედეგად დამყარდა კადროვების მმართველობა ჩეჩნეთში. ძირითადად, ორივე რუსულ-ჩეჩენური ომი წარმოადგენდა კონვენციური სამხედრო მანქანისა და მოქნილი ადგილობრივი აჯანყებული მოძრაობის დაპირისპირებას, სადაც „თითოეული მხარე ცდილობდა მეორეს იძულებით ებრძოლა მისთვის სასურველი პირობებით“ (Galeotti, 2024, p. 22).

ჩეჩნეთის ომის შემდგომ პუტინის რუსეთმა დაიწყო გვერდითი გადახედვა საკუთარი საგარეო პოლიტიკური მდგომარეობის. ამის პირველი ნიშანი სწორედ საქართველოს წინააღმდეგ 2008 წელს დაწყებული სამხედრო ინტერვენცია გახდა.

## რუსეთის ინტერვენციებს კავკასიაში ღრმა შედეგები ჰქონდა რეგიონული და გლობალური გეოპოლიტიკისთვის. უფრო კონკრეტულად კი:

- „გაყინული კონფლიქტების“ შექმნამ საქართველოში, სომხეთსა და აზერბაიჯანში რუსეთს საშუალება მისცა შეენარჩუნებინა გავლენა ამ ქვეყნებზე.
- მუდმივმა არასტაბილურობამ ხელი შეუშალა ეკონომიკურ განვითარებასა და რეგიონულ ინტეგრაციას რუსეთის მიერ მართული ჩარჩოების გარეთ.
- რეგიონის მიდითარობამ გაზარდა მომავალი კონფლიქტებისა და შეიარაღების რისკი.


## საერთაშორისო ურთიერთობები

- რუსეთის ქმედებებმა კავკასიაში ხელი შეუწყო დასავლეთთან ურთიერთობების გაუარესებას, რაც გამოიხატა სანქციების რეჟიმებითა და დიპლომატიური დაძაბულობით.
- ინტერვენციებმა გამოწვევა შეუქმნა ცივი ომის შემდგომ ევროპის უსაფრთხოების არქიტექტურას, განსაკუთრებით ჰელსინკის დასკვნით აქტში (Office of the Historian, n.d.) დადგენილ პრინციპებს.
- ინტერვენციებმა კავკასიაში აჩვენეს დასავლური უსაფრთხოების გარანტიებისა და რბილი ძალის შემლუღვევი პოსტსაბჭოთა სივრცეში.
- კონფლიქტებმა გავლენა მოახდინეს გლობალურ დებატებზე ისეთ საკითხებზე, როგორებიცაა: თავდაცვის პასუხისმგებლობა, სახელმწიფო სუვერენიტეტი და ჰუმანიტარული ინტერვენციის დეგითიზაცია.

## ასევე რუსეთის მიდგომა კავკასიისადმი ასახავს უფრო ფართო ტენდენციებს მის საგარეო პოლიტიკაში:

- სამხედრო ძალის მტკიცე გამოყენება - მზადყოფნა, რომ გამოიყენოს მკაცრი ძალა პოლიტიკური მიზნების მისაღწევად, რაც მოგვიანებით გამოჩნდა სირიაში, აფრიკასა და უკრაინაში.
- „ჰიბრიდული ომი“ - კონვენციური სამხედრო ტაქტიკის კომბინაცია საინფორმაციო ომთან, კიბეროპერაციებთან და ეკონომიკურ გეწოდასთან და სხვა არაპირდაპირი მოქმედებების დესტრუქციულ მეთოდებთან.
- პრაგმატული აღიანსები - ურთიერთობების ჩამოყალიბება ისეთ ქვეყნებთან, როგორცაა ირანი და თურქეთი, დასავლური გავლენის დასაბადანსებლად.






## კავკასიის სტრატეგია ასევე გავდენას ახდენს რუსეთის უსაფრთხოების პოლიტიკის ძირითად ასპექტებზე:

- NATO-ს გაფართოების აღქმა ეგზისტენციალურ საფრთხედ, რაც განაპირობებს ბუფერული ზონების შექმნის პოლიტიკას.
- გაჭიანურებული კონფლიქტების გამოყენება გავდენის ინსტრუმენტებად, რაც ხელს უშლის მებობედ სახელმწიფოებს, სრულად ინტეგრირდნენ დასავლურ ინსტიტუტებთან.
- ფოკუსირება სტრატეგიული სიღრმის შენარჩუნებაზე, რაც განიხილება როგორც გადაამწყვეტი რუსეთის თავდაცვისთვის, მისი ისტორიული გამოცდილების გათვალისწინებით.

ამრიგად, რუსეთის ინტერვენციები კავკასიაში არის არა იზოლირებული მოვლენები, არამედ ნაწილია თანმიმდევრული, თუმცა ზოგჯერ რეაქტიული სტრატეგიისა, რომელიც მიზნად ისახავს თავისი გავდენის შენარჩუნებას მის მიერ აღქმულ გავდენის სფეროში და დასავლეთის შემოჭრად აღიქვამს. ეს მიდგომა, ღრმად დაფუძნებული ისტორიულ გამოცდილებაზე და ფორმირებული ევრაზიონისტური იდეოლოგიით, მნიშვნელოვან გავდენას ახდენს რეგიონულ სტაბილურობასა და უფრო ფართო საერთაშორისო წესრიგზე.



## აღსანიშნავია, რომ ევრაზიონიზმის გავდენა აშკარაა რუსეთის მიდგომაში კავკასიისადმი რამდენიმე მიმართულებით:

- რუსული ინტერესებისა და მოსახლეობის დასაცავად სამხედრო ინტერვენციის უფლების მტკიცება.
- რბილი ძალის ინსტრუმენტების, მათ შორის მედიის, კულტურისა და მართლმადიდებელი ეკლესიის გამოყენება გავდენის შესანარჩუნებლად.
- სტრატეგიული მიზანი, რომ არ დაუშვას რეგიონის ზედმეტად მჭიდრო დაახლოება დასავლურ ინსტიტუტებთან.

## საერთო ჯამში, რუსეთის ომებისგან ვაგვასიაში რამდენიმე ძირითადი დასკვნის გაკეთება შეიძლება:

**სტრატეგიული ადაპტირების უნარი** - კონტრასტი ჩეჩნურ კონფლიქტებსა და 2008 წლის საქართველოს ომს შორის ასახავს რუსეთის სამხედრო და სტრატეგიული შესაძლებლობების ევოლუციას. პირველი ჩეჩნური ომიდან მიღებულმა გაკვეთილებმა გამოიწვია მნიშვნელოვანი რეფორმები რუსულ სამხედრო დოქტრინასა და ტაქტიკაში, რაც, ტრადიციული პირობების მიუხედავად, აშკარად გამოჩნდა მეორე ჩეჩნური ომის უფრო ეფექტიან წარმოებაში და სწრაფ ოპერაციაში საქართველოში. თავის მხრივ, 2008 წლის გამოცდილება გახდა მასშტაბური სამხედრო რეფორმების საბაზი რუსულ ჯარში. იგივეს ვხედავთ უკრაინაშიც. ეს ადაპტირების უნარი მიაწვდის რუსეთის გადაწყვეტილებაზე, დარჩეს დომინანტური ძალა რეგიონსა და მის მიღმა.

**იდეოლოგიური საფუძვლები** - ევრაზიონისტული იდეოლოგიის გავლენა რუსულ სტრატეგიაზე ვაგვასიაში არ შეიძლება გადაჭარბებით შეფასდეს. ეს ნეოიმპერიალისტური იდეოლოგია უზრუნველყოფს თეორიულ ჩარჩოს, რომელიც ამართლებს რუსეთის ქმედებებს როგორც უფრო ფართო ცივილიზაციური მისიის ნაწილს. ის აყალიბებს როგორც რუსი დიდების რიტორიკას, ასევე რეგიონში მისალწვევ სტრატეგიულ მიზნებს, წარმოადგენს რა ინტერვენციებს არა მხოლოდ გეოპოლიტიკურ აუცილებლობად, არამედ კულტურულ იმპერატივად. ასევე წარმოადგენს გარკვეულ თეორიულ საფუძველს რუსეთის გაფართოებისთვის ე.წ. „ახლო სამეზობლოს“ ტერიტორიებზე.

**გამოწვევა ცივი ომის შემდგომი წესრიგისთვის** - რუსეთის ინტერვენციებმა ვაგვასიაში მნიშვნელოვნად გამოიწვია ცივი ომის შემდეგ დამყარებული დასავლეთის მიერ მართული საერთაშორისო წესრიგი. „ახლო საზღვარგარეთში“ თავისი ინტერესების დასაცავად სამხედრო ძალის გამოყენების მზადყოფნის დემონსტრირებით, რუსეთმა ეფექტიანად გააპროტესტა ტერიტორიული მთლიანობისა და სახელმწიფო სუვერენიტეტის პრინციპები, როგორც ეს დასავლეთში ესმოდათ. ამას ღრმა შედეგები აქვს რეგიონული სტაბილურობისა და გლობალური პოლიტიკისთვის.

**დასავლეთის გავლენის საზღვრები** - კონფლიქტებმა ჩეჩნეთსა და საქართველოში გამოავლინა დასავლეთის გავლენის შეზღუდვები პოსტსაბჭოთა სივრცეში. მიუხედავად რიტორიკული მხარდაჭერისა და ზოგიერთი ეკონომიკური და დიპლომატიური ზომებისა, დასავლურ ძალებს არ შეეძლოთ ან არ სურდათ ეფექტიანად დაპირისპირებოდნენ რუსეთის ქმედებებს რეგიონში. ამ რეალობამ აიძულა ვაგვასიის ქვეყნები, რომ ფრთხილად დაემა-

დანსებინათ თავიანთი ურთიერთობები რუსეთთან და დასავლეთთან. აღნიშნული ქმედებების შედეგები დღემდე გამოიყენება რუსეთის მიმართ დაბადანსებული პოლიტიკის აპოლოგეტების მხრიდან პრორუსული პროპაგანდისათვის.

**გაყინული კონფლიქტები როგორც სტრატეგიული ინსტრუმენტები** - რუსეთის მიდგომამ შექმნა რამდენიმე „გაყინული კონფლიქტი“ რეგიონში, განსაკუთრებით საქართველოში, სამაჩაბლოსა და აფხაზეთთან დაკავშირებით. ეს გადაუჭრელი დავები წარმოადგენს ეფექტიან ინსტრუმენტებს რუსული გავლენის შესანარჩუნებლად, კავკასიის სახელმწიფოების სრული დასავლური ინტეგრაციის თავიდან ასაცილებლად და საერთაშორისო მოლაპარაკებებში ბერკეტების უზრუნველსაყოფად.

**უფრო ფართო საგარეო პოლიტიკის შედეგები** - რუსეთის სტრატეგიები კავკასიაში ასახავს უფრო ფართო ტენდენციებს მის საგარეო პოლიტიკაში, მათ შორის სამხედრო ძალის მტკიცე გამოყენებას, „ჰიბრიდული ომის“ ტაქტიკის გამოყენებას და აშშ-ის გლობალური ჰეგემონიის გამონწვევას. ეს ქმედებები კავკასიაში შეიძლება განვიხილოთ როგორც უკრაინასა და სირიაში შემდგომი ინტერვენციების წინამორბედი, რაც მიუთითებს თანმიმდევრულ სტრატეგიაზე რუსეთის დიდი ძალის სტატუსის ხელახლა დამტკიცებისთვის. ასევე, პერსპექტივაში სამომავლოდ, რამდენიმე ძირითადი მოსაზრება იკვეთება:

- კავკასია, სავარაუდოდ, დარჩება კონკურენციის ზონად რუსეთსა და დასავლეთს შორის, კონფლიქტისა და არასტაბილურობის მუდმივი პოტენციალით.
- რუსეთის „გადღებულება“, შეინარჩუნოს თავისი გავლენა რეგიონში, ურყევი ჩანს, რაც მიუთითებს, რომ არსებული კონფლიქტების ნებისმიერი გადაწყვეტა მოითხოვს რუსული ინტერესების აღიარებას.
- ევრაზიონისტული ამროვნების გავლენა რუსულ პოლიტიკაზე შეიძლება კვლავაც აყალიბებდეს მოსკოვის მიდგომას, რაც პოტენციურად გამოიწვევს შემდგომ დაძაბულობას დასავლურ ორიენტირებულ მთავრობებთან რეგიონში.
- ახლა და შესაძლოა, საშუალოვადიან პერსპექტივაში საერთაშორისო საზოგადოება დადგება რუსეთთან კონსტრუქციული ურთიერთობის შეუძლებლობის რისკის წინაშე, განსაკუთრებით, სუვერენიტეტისა და ტერიტორიული მთლიანობის პრინციპების დაცვის კონტექსტში, რაც განსაკუთრებულად გამწვავდა რუსეთის უკრაინაში შეჭრის შემდგომ.



# რეზონანსი უკრაინის ომთან

მოდელები, სტრატეგიები და იდეოლოგიური საფუძვლები, რომლებიც შეინიშნება რუსეთის ინტერვენციებში კავკასიაში, პოულობს მკვეთრ პარადელებს მიმდინარე ომში უკრაინის წინააღმდეგ, რაც ხაზს უსვამს გარკვეულ უწყვეტობას რუსეთის საგარეო პოლიტიკასა და სამხედრო სტრატეგიაში. სახეზე გვაქვს გარკვეული კავკასიაში ნაცადი პრინციპებისა და მიდგომების გამეორება. კერძოდ:

## 1. ისტორიული ნარატივები და გამართლებები

ისევე, როგორც კავკასიაში გაიმართლა თავი რუსეთმა ისტორიული კავშირებითა და რუსულენოვანი მოსახლეობის დაცვით, ასეთივე პოლიტიკას აგრძელებს უკრაინასთან მიმართებაშიც. პუტინის მტკიცებები რუსებისა და უკრაინელების ისტორიული ერთიანობის შესახებ გამოძახილია ევრაზიონისტური ნარატივებისა, რომლებიც გამოიყენებოდა საქართველოსა და ჩეჩნეთში ინტერვენციების დეგიტიმაციისთვის.

## 2. გავლენის სფეროს დოქტრინა

„ახლო საზღვარგარეთის“ კონცეფცია, რომელიც საფუძველია/ ქვაკუთხედი კავკასიაში რუსეთის ქმედებებისა, თანაბრად გამოიყენება უკრაინის მიმართაც. რუსეთის აგრესიული რეაქცია უკრაინის დასავლურ ორიენტაციაზე ასახავს მის პოზიციას საქართველოს NATO-ში გაწევრიანების მისწრაფებებზე, რაც აჩვენებს თანმიმდევრულ პოლიტიკას ბუფერული ზონის შენარჩუნების შესახებ დასავლური ძალების შემოჭრის წინააღმდეგ.

## 3. სამხედრო ტაქტიკა და სტრატეგია

რუსული სამხედრო შესაძლებლობების ევოლუცია, რომელიც შეინიშნება ჩეჩნური ომებიდან საქართველოს კონფლიქტამდე, კიდევ უფრო თვალსაჩინოა უკრაინაში. ჰიბრიდული ომის ტაქტიკის გამოყენება, მათ შორის საინფორმაციო ომი და კიბეროპერაციები, რომლებიც დაიხვეწა წინა კონფლიქტებში, თვალსაჩინოდ გამოიყენებოდა უკრაინის ომში 2014 წლიდან, მიუხედავად იმისა, რომ 2022 წლის ფართომასშტაბიანი ინტერვენციის შემდგომ სამხედრო-სტრატეგიული და ტაქტიკური ცვლილებები ბრძოლის ველზე თვალსაჩინოა.

#### 4. გაყინული კონფლიქტების შექმნა

საქართველოში (ცხინვადის რეგიონი და აფხაზეთი) გამოყოფილი რეგიონების დაარსებას პარადედი აქვს აღმოსავლეთ უკრაინაში (დონეცკისა და დუგანსკის სახადხო რესპუბლიკები) სეპარატისტული ერთეულების ადრეულ შექმნასთან.

#### 5. გამონწვევა საერთაშორისო წესრიგისთვის

რუსეთის მოქმედებები უკრაინაში, მათ შორის ყირიმის ანექსია და სრულმასშტაბიანი შეჭრა 2022 წელს, წარმოადგენს ცივი ომის შემდგომი წესრიგისთვის გამონწვევის ესკადაციას, რაც პირველად გამოჩნდა კავკასიის რეგიონში, კერძოდ, 2008 წელს საქართველოში ინტერვენციის შემდგომ. საერთაშორისო სამართლისა და სახელმწიფო სუვერენიტეტის უგულებელყოფა არის საქართველოსა და ჩერნეთში გამოცდილი პოლიტიკის გაგრძელება.

#### 6. ევრაზიონისტული იდეოლოგია:

ევრაზიონისტული ამროვნების გავრენა ჩანს უკრაინის კონფლიქტშიც, როგორც ცივილიზაციური ბრძოლა დასავლურ ღირებულებებსა და გავრენასთან. ეს იდეოლოგიური საფუძველი, რომელმაც ჩამოაყალიბა რუსეთის მიდგომა კავკასიისადმი, ახდა უფრო დიდი მასშტაბით გამოიყენება უკრაინაში და წარმოადგენს კრემლის საინფორმაციო პროპაგანდის ქვაკუთხედს. ევრაზიულობის მიხედვით, უკრაინა არის „ტიტანების ბრძოლის ვედი“ (NATO StratCom Centre of Excellence, 2015, p. 17), სადაც სიკეთე და ბოროტება იბრძვიან გავრენისთვის.

#### 7. დასავლეთის რეაქცია და შეზღუდვები

დასავლეთის პირველი რეაქცია უკრაინაში შეჭრაზე გამოიხატა შეზღუდვებში. სანქციები ასევე კავკასიის კონფლიქტების დროსაც გამოიყენებოდა. თუმცა უკრაინის ომის მასშტაბმა გამოიწვია უფრო მძლავრი და ერთიანი დასავლური რეაქცია, რაც, შესაძლოა, მინიშნებდეს ცვლილებაზე, როგორ აღიქვამენ ისინი და უპირისპირდებიან რუსეთის მოქმედებებს.

## 8. სტრატეგიული სიღრმე და უსაფრთხოების აღქმა

რუსეთის მუდმივი შეშფოთება სტრატეგიული სიღრმისა და ბუფერული ზონების შესახებ, რაც აშკარაა პოლიტიკაში კავკასიის მიმართ, კიდევ უფრო გაძლიერებულია უკრაინის შემთხვევაში, მისი უფრო დიდი ზომისა და NATO-ს ქვეყნებთან უფრო პირდაპირი სიახლოვის გამო. აღნიშნული საკითხი პერიოდულად ჩანს მოსკოვის მიერ გაჟღერებულ სამშვიდობო მოლაპარაკებების დასაწყებად აუცილებელ პირობებში (რადიო თავისუფლება, 2024).

## 9. საინფორმაციო ომი და ნარატივის კონტროლი

მედიისა და საინფორმაციო ომის დახვეწილი გამოყენება, რომელიც გამოიყენა კავკასიის კონფლიქტების დროს, 2014 წლიდან მნიშვნელოვნად გაძლიერდა უკრაინის კონტექსტში, რასაც გლობალური შედეგები აქვს დემონსტრაციისა და პროპაგანდის სტრატეგიებისთვის. თანამედროვე რუსული პროპაგანდის ძირითადი კომპონენტია მტრის იმიჯის ექსპლუატაცია, მუდმივი საზრდო ძადადობისა და მილიტარიზმის გამართლებისთვის. აგრესიული თავდასხმები მიმართულია სუბიექტებზე, რომლებიც რუსი ხაღხის ცნობიერებაში დღევანდელი „კოლექტიური დასავლეთის“ პერსონიფიკაციაა, ანუ, პირველ რიგში, შეერთებული შტატები, ნატო და მათთან ერთად უკრაინა.

## 10. გრძელვადიანი გეოპოლიტიკური შედეგები

ისევე, როგორც კავკასიის ინტერვენციებმა შეცვალა რეგიონის განვითარების დინამიკა, უკრაინის ომსაც აქვს შორსმიმავალი შედეგები გლობალურ გეოპოლიტიკაზე, ენერჯეტიკულ უსაფრთხოებასა და ძალთა ბადანსზე რუსეთსა და დასავლეთს შორის.

უკრაინის ომი შეიძლება განვიხილოთ როგორც იმ სტრატეგიებისა და იდეოლოგიების კურდინაცია, რომლებიც რუსეთმა განავითარა და განახორციელა კავკასიაში. მსგავსებები გამართლებაში ტაქტიკასა და საერთო სტრატეგიულ მიზნებში აჩვენებს თანმიმდევრულ, გრძელვადიან მიდგომას რუსეთის საგარეო პოლიტიკაში, თუმცა უკრაინის კონფლიქტის მასშტაბი და საერთაშორისო რეაქცია ასევე აღნიშნავს მნიშვნელოვან ესკალაციას, რამაც პოტენციურად შეიძლება გამოიწვიოს გლობალური წესრიგის ფუნდამენტური ტრანსფორმაცია, ვინაიდან მოსკოვი ამ ომში მარტო არ არის. ამ უწყვეტობის გაგება გადაწყვეტის რუსეთის მომავალი მოქმედებების პროგნოზირებისა და დამკვიდრებული გლობალური წესრიგისთვის გამომწვევებზე ეფექტიანი საერთაშორისო რეაგირების შემუშავებისთვის.

ასევე, უნდა ითქვას, რომ მართალია ევრაზიონიზმი არ უნდა განვიხილოთ როგორც რუსეთის პოლიტიკის ერთადერთ მამოძრავებელ ძადად კავკასიაში ან მის ფარგლებს გარეთ, მისი გავლენა რუსულ სტრატეგიულ აზროვნებასა და საჯარო დისკურსზე მნიშვნელოვანია. ამ იდეოლოგიური ჩარჩოს გაგება უმნიშვნელოვანესია კავკასიის რეგიონისადმი და მის მიღმა რუსეთის მიდგომის სირთულეებისა და მისი უფრო ფართო საგარეო პოლიტიკური მიზნების გასაგებად.

### **პუტინის რიტორიკაში ჩვენ ვხედავთ ამ იდეების გამოვლინებას რამდენიმე გზით:**

- აქცენტი რუსეთის „სუვერენულ დემოკრატიაზე“ როგორც დასავლური დიბენადური დემოკრატის ადტერნატივაზე.
- სამხედრო ინტერვენციების წარმოდგენა, მათ შორის უკრაინაში, როგორც „აუცილებელი ნაბიჯი“ რუსუდენოვანი მოსახლეობის დასაცავად და რეგიონული სტაბილურობის შესანარჩუნებლად.
- ევრაზიული ინტეგრაციის პროექტის, როგორცაა ევრაზიის ეკონომიკური კავშირი, წახადისება როგორც ევროკავშირისა და NATO-ს გაფართოების ადტერნატივები.



დასავრეტმა თავის დროზე ერთხელ უკვე დაუშვა დიდი შეცდომა, როდესაც არასათანადოდ შეფასა რუსეთის ამბიციები, თანამედროვე სამყაროსათვის დრომოჭმულად გამოაცხადა გეოპოლიტიკურ ტერმინები საერთაშორისო ურთიერთობების და სახელმწიფოთა ამბიციების განხილვისას და დღეს ჩვენ, ყველა, სწორედ ბოლო ათწლეულებში დაშვებული ამ შეცდომების ფასს ვიხდით. ამის პირველი მაგალითი საქართველო იყო 2008 წელს, როდესაც მოსკოვმა მისი კავკასიის ქედს სამხრეთით არსებობა დაიბრუნა და ამით ჩეჩნეთის მეორე ომის შემდგომ მოპოვებული პოზიციები განიმტკიცა.

გეოპოლიტიკური ხედვები და თეორიები შეიძლება არა ყოვლისმომცველად, მაგრამ მაინც მნიშვნელოვნად გვეხმარება თანამედროვე გლობალური პროცესების დანახვაში და გაანალიზებაში, განსაკუთრებით მაშინ, როდესაც გლობალური აქტორების, ჩინეთის და რუსეთის საგარეო პოლიტიკური პათოსი კვდავინდებურად თავისი არსით გეოპოლიტიკურია, ამ სიტყვის პირდაპირი გაგებით. განსხვავებები მხოლოდ განხორციელების გზებსა და მიდგომებშია, რაც მეტწილად აქტორების სტრატეგიული კულტურითა და ისტორიული გამოცდილებით არის განპირობებული.

რუსეთის ქმედებები კავკასიაში, ჩეჩნეთის ორი ომი და 2008 წლის ინტერვენცია საქართველოში წარმოადგენდა რუსული გეოპოლიტიკური და გეოსტრატეგიული ამბიციებისთვის გარდაუვად აუცილებლობას, რაც შემდგომ აისახა იმ თანმიმდევრულ საგარეო პოლიტიკურ ნაბიჯებში, რასაც მოსკოვი წლების განმავლობაში უგამდა. ომი უკრაინაში სწორედ ამ პოლიტიკის მომდევნო გადაწყვეტი ნაბიჯი გახდა.

როგორც არ უნდა განვითარდეს მოვლენები, ჩვენ უნდა გვახსოვდეს, რომ საქართველო, კვდავინდებურად სწორედ მისი გეოგრაფიული მდგომარეობის გამო, გეოპოლიტიკური ტენიციების მიჯნაზე იმყოფება და რეალობა მისგან რაციონალური და გონივრული საგარეო და საშინაო პოლიტიკის გატარებას მოითხოვს, რათა თბილისი ისტორიის არასწორ მხარეს არ აღმოჩნდეს და, რაც მთავარია, არ დაზარადეს ქვეყნის სასიცოცხლო ინტერესები, რისი საფრთხე უკვე ძარბედ დიდია. ამისათვის უმნიშვნელოვანესია გვესმოდეს რუსული გეოსტრატეგიული ამბიციების საფუძვლები და მის მიერ წარმოებული კავკასიური ომებისგან მიღებული სამხედრო-პოლიტიკური გაკვეთილები.

## ბიბლიოგრაფია

---

ანთაძე გიორგი. (2012). გეოპოლიტიკური აზროვნების ევოლუცია.

Jakob Hedenskog, E. H. A. J. N. (2018). Security in the Caucasus: Russian policy and military posture

List, J. R. (2013, September 20). TRANSCRIPT: [Putin at] Meeting of the Valdai International Discussion Club [partial transcript]. Johnson's Russia List.

Статья Владимира Путина «Об историческом единстве русских и украинцев». (2021, July 12). Президент России. <http://kremlin.ru/events/president/news/66181>

Galeotti, M. (2024). Russia's wars in Chechnya: 1994-2009. Osprey Publishing.

NATO StratCom Centre of Excellence. (2015) Analysis of Russia's information campaign against

Milestones in the history of U.s. foreign relations - office of the historian. (n.d.). State. gov. Retrieved 14 July 2024,

Universal, N. B. C. (2005, April 25). Putin: Soviet collapse a 'genuine tragedy'. NBC News.

რადიო თავისუფლება. (2024, June 14). ვლადიმირ პუტინმა უკრაინაში ომის დასრულების პირობები დაასახელა.